

捕又有虎頭鯊身黑尾尖得之惟堪炙油不中食蓋
卽江豚類矣鯪魚圓大如箕腥而骨嫩尾長端有鉅
刺人以手捉能運尾擊之中刺毒腐至骨乃已至鯪
魚最稱上品但一二見不能與江產爭多六月黃甲
卽蠃蚌兩螯極大得卽緊縛蒸食美緩縱則介褻腥
水較讓明州殼中黃實也鰮魚喙雄白姝勝腹子者
鱖魚鼻與身等帶甲愈佳而脆美黃鰻不減婁東晚
城七月白蟹形似蠃蚌稍白食泥而肥海蜆卽海月
一名水母身圓白頭戴壘塊而赤浮水蠕動得之易
而且多質成於水乾之政復無幾八月青蝦隻有重